

Il chantun Grischun en survista

■ Il Grischun furma la part dal sidost da la Svizra e s'estenda – dal nord al sid – sur l'entir artg alpin. La surfatscha dal chantun il pli grond importa 7105 kilometers quadrat. Dus terz dals cunfins chantunals èn a medem temp cunfins naziunals svizzers. Cunfins chantunals communabels ha il Grischun al sidvest cun il Tessin, al vest cun l'Uri sco er al nord cun Glaruna e cun Son Gagl. Il Grischun furma cunfins naziunals da la Svizra cun il Liechtenstein e cun l'Austria al nord (stadiis federativis Vorarlberg e Tirol) sco er cun l'Italia a l'ost ed al sid (provinzia autonoma Bulsaun-Tirol dal Sid e Lombardia). Var 90 pertschient dal territori grischun sa chatta sur 1200 m s.m. Avras, la vischnanca ch'è situada il pli aut, sa chatta sin 1963 m s.m.; sia fracciun Avras-Giuf schizunt sin 2126 m s.m. Il pli bass sa chatta San Vittore sin 279 m s.m. Il punct il pli aut è il Piz Bernina

sin 4049 m s.m. L'autezza mesauna è sin 2100 m s.m. Cun questa autezza è il Grischun la regiun la pli alta da l'entir artg alpin. Ch'il Grischun è ina tipica cuntrada muntagnarda ed alpina sa mussa er vi dal fatg che 41 pertschient da la populaziun grischuna viva sin autezzas sur 1000 m s.m. En l'entira Svizra importa questa media mo 3,1 pertschient.

Var 40 pertschient dal territori chantunal tutga a la vegetaziun nunproductiva. Las pastigias extendidas curvan circa in quart dal terren. In pau dapi ch'in quart da la surfatscha (26,7 pertschient) è guaud. L'agricultura po trair a niz mo 1,8 pertschient da la surfatscha sco terren per la cultivaziun dad ers e da prads sco er per la pumicultura u per la viticutura. Auals, flums e passa 600 lais furman ina part da la cuntrada muntagnarda grischuna fascinanta. Cascadas e chavorgias han stgaffi scenarias singulares ina cuntrada, sco per exemplu la Viamala u la Ruinaulta. Davent dal Grischun curran las auas en trois mars: il Rain sbucca tar Rotterdam en la Mar dal Nord, l'En curra en il Danubi che sbucca pli tard en la Mar Naira, e las auas dal Mesauc, da la Bregaglia, dal Puschlav e da la Val Müstair culan pli tard en l'Adria.

Populaziun

La fin da l'onn 2011 dumbrava il chantun Grischun 193 388 abitantans ed abitants. Cun 27 personas per kilometer quadrat è il Grischun il chantun il pli pauc populà. En la chapitala da Cuira – in di abitadis ils pli vegls da la Svizra – vivan var 37 000 personas.

La «Svizra en format pischen» – ina designaziun che vegn duvrada savens – constat per il Grischun en spezial areguard la cumposiziun da la populaziun. En il Chantun discurra 68 pertschient da la populaziun tudestg, 14 pertschient rumantsch, 10 pertschient talian e 8 pertschient autres linguas. Il territori linguistic rumantsch è dividì en differentas regiuns ed en tschinting idioms. Las quatter valladas dal Grischun dal Sid, nua ch'i vegn discurri talian, vegnan numnadas «Grigioni italiano». Il tudestg gualser vegn discurri in Valragn, a Val S. Pieder, en Stussavia, en il Scanvetg cun Arosa, en il Partenz cun Claustra, a Tavau ed en l'enclava da Sursaissa. A Samignun vegn discurrì in dialect tirolais-bavarais.

Questa varietad sa mussa er tar la confessiuns. Var 47 pertschient da la populaziun è roman-catolica, var 40 pertschient evangelica reformada. Circa 5 pertschient appartegna ad autres cuminanzas religiusas. Var 8 pertschient è senza confessiun u na fa naganas indicaziuns davart sia religiun. Circa in quart da la populaziun grischuna ha 19 onns u damain. La quota



La multifariadad dal Grischun sa mussa en sia cuntrada, sia cultura ed en il spazi da viver.

FOTOS: ANDREA BADRUTT

da persunas d'ina vegliadetgna da 20 fin 64 onns importa 61 pertschient. Pli veglia che 65 onns è circa 16 pertschient da la populaziun.

Istorgia

Il pajais da pass retic, en tschertas parts populà già dapi il temp mesolitic, è vegni conquistà dals Romans curt avant il cumenzament da l'era cristiana sco posiziun da clav strategica e kommerziala ed è vegni integrà en lur imperi sco part da la provinza Raetia Prima. L'influenza romana ha caracterisà fermamain noss Chantun. Per l'ina cun la tradiziun cristiana – Cuira è dapi l'onn 451 sedia episcopala –, per l'autra cun la lingua rumantscha e cun la civilisaziun romana.

Strusch pertutgà da la migrazion dals pievels daventa il Grischun a partir dal 7avel tschientaner in stadi da la baselgia ch'è facticamain independent e che vegn regnà da la schlattaina indigena dals Victorids. L'onn 843, a chaschun da la partiziun dal reginavel, vegn el attribuì a la Franconia da l'ost, l'Imperi german da pli tard. Ma l'uvestg da Cuira e l'avat da Mustér, tuts dus pertgiraders dals pass ch'en d'ina gronda impurtanza per l'imperatur, s'endrizzan stadiis feudals che restan per gronda part independents.

Il 14avel tschientaner s'uneschan il chapitel cathedral, las vischnancas da valada e la citad da Cuira ad ina front da defensiun, la Lia da la Chadé da pli tard. I suondan l'onn 1395 la Lia Grischu a Lia Sura e l'onn 1436 la Lia da las Diesch Dretgiras, tuttas duas concludidas per garantir l'indipendenza e la pasch pubblica. Cun il contract federal general da l'onn 1524, l'emprima brev da federaziun da tut il Grischun, sa dattan las vischnancas giudizialas da tut las trois lias ina constituziun cumainiva. La «Repubblica da las Trais Lias» è naschida – ina spezia da stadi federal, en il qual las vischnancas giudizialas han ina fitg gronda autonomia. Il 17avel tschientaner daventa il Grischun – pervia da ses pass – il center strategic da l'Europa e vegn uschia adina puspè stratg en il champ d'interess da las pussanzas grondas che cumbattevan ina l'autra.

Durant la Revoluziun franzosa sa cumbattan armadas franzosas ed austriacas vehementamain als pass grischuns. La dumonda davart l'associazion cun la Republica helvetica separa puspè ina giada il Grischun en duas partidas, fin che Napoleun decretescha l'onn 1801 l'uniun cun la Svizra. Durant la mediaziun da l'onn 1803 daventa il Grischun la finala formalmain in chantun svizzer.

Politica

Il sistem politic dal Grischun enconuscha da vegl ennà vasts dretgs dal pievel.

Tar ils dretgs politics tutgan il dretg d'elezioni e da votaziun, ma er il dretg d'iniziativa e da referendum.

Sco autoritat legislativa pratgescha il Cussegli grond – cun resalva dals dretgs dal pievel – la pussanza politica suprema dal Chantun. El consista da 120 commembra e commembra che vegnan elegids dal pievel en 39 circuls en ina procedura electoral da maiorz per ina perioda d'uffizi da quatter onns. Politicamain è il parlament chantunal dividì en fraciuns. Per furmar ina fraciun ston s'unir almain tschintg commembra e commembra dal Cussegli grond.

L'autoritat directiva ed executiva suprema è la Regenza. Ella consista da tschintg commembra e commembra. Las commembra ed ils commembra da la regenza vegnan elegids tenor la procedura electoral da maiorz per quatter onns e pon vegnir reelegids maximalmam duas giadas. Mintga commembra u mintga commember da la regenza è scheffu u scheffu d'in departament da l'administraziun chantunal.

La Dretgira chantunal è l'autoritat giudiziala suprema en il Chantun sin ils champs dal dretg civil e penal, dal dretg da scussiun e da concurs. La Dretgira administrativa s'occupa cun la giurisdicziun sin il sectur dal dretg public ed administrativ.

Cultura

Malgrà ch'il Grischun è ina terra muntagnarda, sa chatta ella en ina tensiun culturala tranter las citads da l'Europa dal Nord e dal Sid. Correspondentamain sa laschan chattar influenzas dad omadus circuls culturals. Uschia è la clausura da Müstair, ch'appartegna oz al patrimoni mondial da la Unesco, ina fundaziun da Carli il Grond, il retg dals Francs e pli tard imperatur roman. Da l'autra vart sa manifestescha er l'influenza dal sid, per exemplu en ils blers palazis.

En il chantun Grischun èn dentant er sa sviluppadas – sin fundament da las influenzas dal nord e dal sid – adina puspè furmas individualas da la cultura che stattan mintgamai en in connex specific estetic e funcziunal cun la cuntrada: En Engiadina chattan ins chasas da crap maiestusas en vitgs serrads, fertant ch'en ils territori dals Gualsers domineschan ils abitadis sparpagliads cun chasas da lain. Las valladas grischunas dal sid sa preschentan cun guauds da chastagners cultivads cun quità.

A partit dal 19avel tschientaner è l'egliada culturala sa drizzada pli fitg da la cultura architectonica e da las valladas vers las muntognas: Ils maletgs alpins da Giovanni Segantini, las ovas da la familia Giacometti e d'artistis sco Ernst Ludwig Kirchner han cuntanschi già daditg ina muntada internaziunala. A medem

La varietad culturala, las bellezas da la cuntrada ed ina infrastructura effizienta – cun hotels, telefericas, bogns, stabiliments da wellness e da sport – èn elements decisivs, per ch'il Grischun sajant l'enviern sco er la stad ina regiun da vacanzas d'emprima qualitat. Mintga singula regiun dispona d'in caracter tut agen.

Il Grischun viva dal turissem, pertge che las entradas che derivan da las faschentas cun las vacanzas e cun il temp liber garanteschan l'existenza da var in terz da las lavurants e dals lavurants grischuns. Cun San Murezzan e Tavau, las destinaziuns da renom mundial, e cun blers auters lieus gronds u «pitichens ed exquisits» ch'hàn in agen scharm, è il Grischun oz in purschider impurtant sin il martgà internaziunala dal temp liber.

Energia

La producziun d'electricitat da las ovras idraulicas grischunas è da gronda impurtanza per l'economia publica svizra. Cun annualmain 7,9 milliardas uras kilowat (kWh) en media furnescha il Grischun passa in tschintgavel da l'electricitat svizra che vegn producida cun forza idraulica. Las ovras idraulicas dal Grischun furneschan var in dieschavel da tut l'electricitat che vegn producida en Svizra. La valur particulara da questa energia è sia qualitat. Iis lais d'accumulaziun permettan numinadain da deponer l'aua uschè ditg, fin ch'i dovrà blera electricitat (enviern, tschertas uras dal di). Quai permetta da producir energia d'auta qualitat per il consum maximal.

Las ovras electricas occupan tut en tut circa 540 personas e pajan in terz da las taglias da las personas giuridicas en il Grischun. Sche tut las taglias, tut las taxas e tut ils tschairs vegnan quintads ensemble, pajan las ovras electricas annualmain circa 153 millioni francs. Questas prestaziuns èn d'ina impurtanza essenziala per las finanzas dal Chantun e da numerusas vischnancas. Construind las ovras electricas, han ins ultra da quai erigì u meglierà en bleras vals las vias ed auters edifizis d'infrastructura che na servan betg mo a las ovras electricas.

Traffic

Pli baud era il Grischun cunzunt in pajais da transit. Oz cumpiglia la rait da vias dal Grischun passa 1600 kilometers. Tranter las numerosas punts chattan ins er capodovras architectonicis sco p.ex. la punt da Salgina en il Partenz u la punt dal Sunniberg sper Claustra, ch'è vegni da averta il 2005 per il traffic.

In'ovra da pionier è stata la construind da la Viafier retica. Cumenzà ha ella en moda fitg modesta l'onn 1889 da Landquart a Tavau. Suenter curt temp dentant ha ella surpiglià l'avertura dal traffic en l'entir Chantun. Fin l'onn 1914 èn vegnids mess en funcziun successivamain tut ils trajects da fin ussa. Oz cumpiglia la rait da la Viafier retica 385 kilometers. Dapi l'onn 1999 collia plinavant la lingia dal Veraina il Partenz cun l'Engiadina Bassa. La Viafier retica è er in factur economic impurtanta dal Chantun: Tut en tut passa 9 millioni passagieras e passagiers e passa 700 000 tonnas martganzaia sa movan onn per onn sin ils binaris grischuns.

Ina grond'impurtanza per l'access en las valladas dal Grischun han er ils autos da posta. Ils vitgs perifers vegnan colliads tras bunamain 100 lingias d'auto da posta cun la rait da la Viafier retica.

La preschentaziun:

Chantun Grischun. Survista dal Grischun sin www.gr.ch. (2009, cun actualisaziuns).

Dapli infurmaziuns:

chatta.ch/?hiid=1894
www.chatta.ch